



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Sacrificio Missæ Expedite Celebrando Libri III

Tamburini, Tommaso

Coloniæ Agrippinæ, 1661

De Cruce, aliisque requisitis circa Altare, parag. 6

urn:nbn:de:hbz:466:1-41878

§. VI.

*De Cruce aliisque requisitis circa
Altare.*

I. **A** Pponitur & Crux, sed non
^a cum tanto rigore præce-
 pti: immo ab aliquibus docetur,
 Crucem non esse in Altari statuen-
 dam, ubi servatur clausum in Ta-
 bernaculo Sanctissimum Christi
 Corpus: in quo enim loco adest,
 quamvis veluti sub cortina, ipse
 Dominus personaliter, alio signo
 ipsum repræsentare opus non est.
 Contrarium sentit, & quidem pro-
 babiliter Gavantus, quia Rubrica
 Missalis in omni Missa requirit ad-
 hibendam esse Crucem. Sed pro-
 fecto, quando est exposita super
 Altare Sacratissima Eucharistia,
 sit certum, ^a necessariam nequa-
 quam

^a *Suar. de Sacr. d. 81. sect. 6. §. 4. ad-
 dere aliq.*

quam esse Crucem, quia jam ipse Dominus Crucifixus palam est.

2. Olim inter Curiosos Rubricarum contentio fuit, an observetur Rubrica, quæ Crucem in Altari, dum sit sacrum, expostulat, si adsit Crucis, vel Crucifixi effigies depicta in Tabula, vel pariete? Satis observari Rubricam, affirmabant aliqui, quia jam adest Crux. Negabant alii, quia, præter illam Iconem depictam ad parietem, requirerant, juxta Rubricæ apicem, aliam Crucem super Altare inter candelabra, & ob oculos Sacerdotis, tum ad orandum, tum ad incensandum.

Dico, utrosque sensisse probabiliter, sed à me contra Gavantum & audiri libentius affirmantes. Neque enim ejusmodi requisita adhiberi debent, sub ritu metaphysico, & pœne dicam pharisaico; sed morali, & humano. Quis autem moraliter

a Gavant. in Rubr. Miss p. 10. 20. lit. D.

raliter amplius Crucem requirat, si Crucem habeat in prospectu (licet non inter candelabra) ad quam, & orare, & incensare, & quælibet, circa illam officia, exhibere possit?

3. Venia ad cetera requisita. Pallium, quo in anteriore fronte ornatur Altare, Pulvillus ad sustentandum Missale, Candelabra, Bursæ, intra quas servantur Corporalia, Velum, quo operitur Calix, manutergium, & si quæ alia sunt ejusmodi aliquantulum remota à sacris actionibus, benedictione, ut sacro usui deserviant, nequaquam indigent: id quod, propter eandem rationem, de quibusdam vasis diximus c. 1 § 6 num. 6.

Insuper ex pari, immo majore ratione, quam ex Layman supra notavimus § 2. numer. 3. quando aliquod ex his prædictis præsto in Ecclesia non est, id ex profanis, sed congruenter mundis, mutuo recipi ad sacrum Missæ Ministerium

rium poterit, & deinde usui priori suo scrupulo reddi.

CAPUT VI.

De Tempore Sacrificii.

§. I.

Quo die celebrari possit, ubi de Triduo hebdomada Sancta.

I. **Q**Uocumque die Sacrificium Missæ offerri, licite posse præter feriam sextam hebdomadæ Sanctæ, est Doctrina communis. Quamvis igitur consueta sit praxis, Sabbato Sancto, & die Jovis Sancto, abstinere Sacerdotes à Missa, in signum mœroris ex Christi Domini Passione concepti, tamen, posset a suis quisque celebrare Missas privatas, etiam summo mane,

a Suarez, Fagund De lugo qui eos citat sequiturque de 20. de Euch. sect. 1. num. 8.